

Hitaveitunni er heimilt að breyta gjöldum samkvæmt gjaldskrá þessari, þó ekki meira en nemur breytingum sem á nefndri vísitölu verða, enda liggja fyrir staðfesting ráðuneytisins hverju sinni.

Gjaldskrá þessi staðfestist hér með samkvæmt orkulögum nr. 58 29. apríl 1967 til að öðlast gildi 1. júlí 1988 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 243, 7. maí 1988.

*Iðnaðarráðuneytið, 16. júní 1988.*

F. h. r.  
**Árni Þ. Árnason.**

*Guðrún Skúladóttir.*

21. júní 1988

Nr. 311

## GJALDSKRÁ

### Hitaveitu Egilsstaða og Fella.

1. gr.

Hitaveita Egilsstaða og Fella selur afnot af heitu vatni úr veitukerfum sem gerð hafa verið og verða gerð á veitusvæði hitaveitunnar eftir þeim reglum sem settar eru í gjaldskrá þessari sbr. reglugerð um hitaveitu og hitalagnir Hitaveitu Egilsstaða og Fella.

2. gr.

Hitaveita Egilsstaða og Fella lætur hverju húsi sem tengt er veitukerfi hennar í té vatnsmagn til neysluvatnsnota og upphitunar enda séu ofnar hússins nægjanlega stórir að dómi hitaveitunnar.

Einnig selur hitaveitan afnot af heitu vatni til annarra nota en hitunar og neysluvatnsnota eftir því sem vatnsmagn leyfir og hún telur henta.

3. gr.

Hitaveita Egilsstaða og Fella lætur notanda í té vatnsmagn samkvæmt 1. og 2. gr. um rennismæli sem hitaveita leggur til og annast viðhald á. Mælir þessi skal innsiglaður og er húseiganda/notanda með öllu óheimilt að rjúfa innsigli mælisins.

4. gr.

Gjald fyrir afnot heita vatnsins er sem hér segir:

1. Heitt vatn um rennismæli:	
Fyrir hvern rúmmetra vatns .....	kr. 48,00
2. Auk þess greiðist mælaleiga fyrir hvern mánuð:	
Fyrir ½ tommu mæli .....	kr. 250,00
Fyrir ¾ tommu mæli .....	kr. 500,00
Fyrir 1 tommu mæli og stærri .....	kr. 750,00

5. gr.

Hitaveitugjöld skv. 3. gr. verða krafín mánaðarlega. Lesið verður af mælum að jafnaði tvisvar á ári en notkun þess á milli áætluð. Heimilt er að fækka eða fjölga álestrum, þó skal alltaf lesið af mælum einu sinni á ári.

Óski notandi þess að lesið sé á mælitæki hans utan reglubundins álestrar tíma hitaveitunnar og honum gerður sérstakur reikningur skal hann greiða fyrir það gjald kr. 200,00.

## 6. gr.

Gjalddagi hitaveitugjalda er við framvísun reiknings eða tilkynningar um reikningsupphæð. Sé reikningur ekki greiddur við fyrstu sýningu ber gjaldanda að greiða hann þar sem hitaveitan ákveður. Það eru vanskil ef gjöldin eru ekki að fullu greidd innan 14 daga frá gjalddaga.

## 7. gr.

Heimæðargjöld hitaveitunnar skulu miðast við brúttó rúmmál húss skv. byggingarreglugerð og vera sem hér segir fyrir eina heimæð:

Hús allt að 400 m <sup>3</sup> .....	kr. 73 800,00
Hús 400 m <sup>3</sup> — 2 000 m <sup>3</sup> .....	kr. 73 800,00
fyrir 400 m <sup>3</sup> og 57,00 kr. á m <sup>3</sup> þar yfir.	
Hús 2 000 m <sup>3</sup> — 6 000 m <sup>3</sup> .....	kr. 166 000,00
fyrir 2 000 m <sup>3</sup> og 49,00 kr. á m <sup>3</sup> þar yfir.	
Hús 6 000 m <sup>3</sup> — 10 000 m <sup>3</sup> .....	kr. 362 700,00
fyrir 6 000 m <sup>3</sup> og 44,00 kr. á m <sup>3</sup> þar yfir.	
Hús stærra en 10 000 m <sup>3</sup> .....	kr. 540 300,00
fyrir 10 000 m <sup>3</sup> og 38,00 kr. á m <sup>3</sup> þar yfir.	

Nú eru fleiri en eitt hitakerfi í húsinu með sérstökum mælum frá hitaveitunni og skal þá greiða kr. 7 200,00 í aukagjald fyrir hvern mæli umfram þann fyrsta.

Ef um er að ræða atvinnuhúsnæði sem hitað er upp að hluta er heimilt að fella niður heimæðargjald af þeim hluta hússins sem ekki er hitaður. Verði breyting á starfsemi í slíku húsi þannig að farið verði að hita það allt upp þá er allt heimæðargjaldið gjaldfallið skv. gjaldskrá þess tíma sem breytingin á sér stað á.

## 8. gr.

Pegar tengingu húss er lokið er fyrri helmingur heimæðargjalds gjaldkræfur. Síðari helmingur heimæðargjalds er gjaldkræfur þremur mánuðum síðar. Þó er stjórn heimilt að veita frekari gjaldfrest ef um það er samið skriflega fyrir gjalddaga. Í slíkum samningum skal kveðið á um vexti og verðbætur.

## 9. gr.

Hitaveitugjöld samkvæmt gjaldskrá þessari eru miðuð við vísitölu byggingarkostnaðar.

Hitaveitunni er heimilt að breyta gjöldum samkvæmt gjaldskrá þessari í samræmi við breytingar á áðurnefndri vísitölu enda sé breytingin staðfest af iðnaðarráðuneytinu hverju sinni.

## 10. gr.

Öll gjöld samkvæmt gjaldskrá þessari má taka lögtaki á kostnað gjaldanda.

## 11. gr.

Hitaveitan hefur rétt til að loka fyrir aðrennsli heita vatnsins að húsi eða íbúð viðskiptamanns sem vanrækir að greiða hitaveitugjöld. Séu fleiri en einn notandi í húsi með sameiginlega heimtaug og hitakerfi skerðir það ekki rétt hitaveitunnar til að loka fyrir aðrennsli heita vatnsins ef einn þessara aðila vanrækir greiðslur þó reikningum sé skipt á notendur.

Fyrirætlun um lokun ber að tilkynna með 3ja daga fyrirvara. Allan kostnað af lokun og opnun á ný greiðir sá sem vanskilum veldur kr. 1 000,00 í hvert sinn.

## 12. gr.

Eftirlitsmanni hitaveitunnar skal hvenær sem er heimill aðgangur að öllum mælum, hitagjöfum og vatnsæðum sem eru í sambandi við hitaveituna.

Er húseiganda skylt að hlíta tafarlaust fyrimælum hans um viðgerðir á bilunum og sérhverjum ráðstöfunum til varnar gegn misnotkun heita vatnsins.

Gjaldskrá þessi, sem samin er og samþykkt af stjórn Hitaveitu Egilsstaða og Fella og sett er samkvæmt orkulögum nr. 58, 29. apríl 1967, staðfestist hér með til að taka gildi 1. júlí 1988 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 145, 18. mars 1988.

*Iðnaðarráðuneytið, 21. júní 1988.*

F. h. r.  
**Árni Þ. Árnason.**

*Guðrún Skúladóttir.*

## GJALDSKRÁ

### Hitaveitu Selfoss.

#### I. Heitt vatn.

Hitaveita Selfoss selur afnot af heitu vatni úr veitukerfi sínu á þann hátt og við því verði, sem hér segir:

- |                                                                     |         |          |
|---------------------------------------------------------------------|---------|----------|
| 1. Um vatnsmæli fyrir hvern rúmmetra vatns .....                    | kr.     | 28,48    |
| 2. Um hemil fyrir hvern mínútulítra á hámarksstillingu hemils ..... | kr./ári | 7 841,00 |

Minnsta magn vatns sé fyrir íbúðar-, verslunar- og skrifstofuhúsnæði 0,8 l/mín. fyrir hverja 100 m<sup>3</sup>, en fyrir iðnaðarhúsnæði 0,5 l/mín. fyrir hverja 100 m<sup>3</sup>.

Ef vatnsmælir bílar er hitaveitunni heimilt að áætla vatnsnotkun með hliðsjón af fyrri notkun og/eða hitaþörf húsnæðis.

#### II. Mælaleiga.

Hitaveitan leigir vatnsmæla og skal leiga fyrir þá innheimt jafnhliða gjaldi fyrir vatnsnotkun. Hitaveitan ákveður stærð mæla og er sú ákvörðun skuldbindandi fyrir notandann, sem skal greiða ársleigu af mælum sem hér segir:

- |                                          |     |          |
|------------------------------------------|-----|----------|
| 1. Fyrir mæla eða hemla allt að ¾" ..... | kr. | 3 756,00 |
| 2. Fyrir mæla eða hemla frá 1"—2" .....  | kr. | 5 279,00 |

#### III. Heimæðargjald.

Heimæðargjald, miðað við heildarrúmmál húsa, er sem hér segir:

Allt að 400 m <sup>3</sup> .....	kr.	45 106,00
hver m <sup>3</sup> yfir 400 að 2000 m <sup>3</sup> .....	kr./m <sup>3</sup>	38,60
Fyrir 2000 m <sup>3</sup> .....	kr	106 011,00
hvern m <sup>3</sup> þar yfir .....	kr./m <sup>3</sup>	31,94

Séu fleiri en eitt hitunarkerfi tengd við heimæðina með mælum frá hitaveitunni, skal greiða kr. 8 759,00 aukagjald fyrir hvern mæli umfram hinn fyrsta.